

天一閣藏明倫彙編

浦江志畧

天一閣藏明代方志選刊

浦江志畧

ZDS 6/1452

一九六三年四月上海古籍
書店據寧波天一閣藏明嘉
靖刻本景印原書版框高一
九·二公分寬一四·八公分

本序及序解原缺據乾隆薛志排補

浦江志略序

嘉靖癸未春三月予到浦江卽以縣志謀於邑人
邑人曰此缺典也敢以其事請乃若邑之人物則
宋景濂浦陽人物記可據也若鄭叔端金華賢達
傳次之其諸所當志者在宋學正朱子槐嘗志之
矣惜甚略且今逸下卷我國朝永樂中纂修實錄
又有實其事而爲志者惜甚蕪且多不文故皆不
可以傳是以浦江歷數百年而無刊志雖舊禮義
之邑文物之藪而今落寞日甚職此之故也惟大
夫其允圖之予曰吁予何能爲是第官以知縣事

爲職一有不知焉與知而不能行皆恥也予懼是
焉爾矣予何能爲是惟爾邑人其共圖之予旣退
而求之前書則誠如邑人所請乃更欲考之金華
郡志及邑人吳淵穎柳道傳戴九靈宋景濂鄭麟
溪王深溪吳安溪等文集并閤縣碑碣六房卷冊
取其切於邑事者錯綜斟酌以成縣志中間多事
雜揉未能也又踰年乙酉冬十一月入覲於京師
攜羣書北上舟中往還凡三月始得專力而互考
之略有所得立例成編統以八志事以類從大書
以提其綱分注以備其目各釋其意而爲之傳有

書有不書書之有詳有略屬辭而比之事推類而盡其餘孰正孰附孰前孰後共爲八卷凡四十有五條總名曰浦江志略踰年丙戌夏四月復任以質於邑人邑人曰竊聞之君子之慎於言也一或遺誤則幽明抱歉百世傳惑義無所係寧弗作焉是故君子非志之難而覈實之爲貴非傳信之可喜而有關勸懲之足嘉是編可以爲縣志矣予曰是則吾不能若夫備故實稽本末立政治利民物厚人倫美教化之道未必無小補云庶幾免於恥焉而已矣屬二尹王君叔馨校而刊之有疑之者

曰吾觀於縣志者多矣子獨擬朱文公通鑑綱目而作毋乃僭妄恐來君子之譏有復之者曰朱文公綱目有春秋褒貶之義賞罰之權天下之史也是志專言邑事況多主於與善以企不能恐未可以為例論而沮之也嗚呼然則諒予之心者其是志矣乎重予之罪者其亦是志矣乎是月六日知縣毛鳳韶序

志略序解

予修浦江志略凡八卷既成圖鈐諸梓以風邑人
既述其始末序之矣邑人復請以縣志名編予曰
吁吾豈敢當是哉今之志古之史也古之爲史者
紀事詳始末而序有文立論關勸懲而辭不費乃
名之某史今以鳳韶之愚生數百年之後考二三
策之書值衆責叢委之際粗有紀述謬爲論說乃
亦名之某志非僭則誣矣凡言志者皆不易也浦
江之志尤不易也山川之勝有如華如汭如月泉
故家義門之懿範有如陳如何如鍾如鄭如王名

世賢人君子之德業文章如梅如王如錢如倪如
方如柳如吳如戴如宋未易悉舉皆有關於天下
之故者顧其遺文軼事散見於史於傳於志於記
於集於編於錄於紀於碑碣於圖譜於家乘茲欲
考之索之收之蓄之按之質之參之互之訂之証
之區而別之類而聚之備而錄之以足一邑之文
獻垂衆人之法戒而并考夫諸縣大夫治邑之政
民間田里賦役重輕登耗休戚之故萃而爲志以
獻諸天子以傳之邑人以告於新令尹庶幾有補
嗚呼是豈易言哉吾志在浦江而力莫能與也姑

志其略以俟焉爾矣邑人曰有是哉乃叙其解於
篇次

嘉靖丙戌夏四月九日毛鳳韶序

--	--	--	--	--	--	--	--	--	--

浦江志畧義例

一紀事本據郡邑舊志及鄉賢遺書本縣碑冊不敢泛及

一書辭僭倣朱文公通鑑綱目例

一集傳僭倣綱目發明例不言某氏曰者皆愚之膚見也

一附錄僭倣春秋大全類

一紀事有因革書辭有詳畧條目有先後觀者比事求之斯得之矣不及屑屑為之解也

一人必書名蓋以尚質且傳久也然有稱字不稱

字舉號不舉號言爵不言爵存諡不存諡冠氏
不冠氏紀卒不紀卒錄地不錄地雖各以有可
考者書之亦所以示微意也

一志畧以備一縣之故故制度儀文通於天下者
不錄

義例終

浦江志畧引用姓氏

知縣李氏

知退翁

知縣王氏

霖龍得雲子槐

知縣蔣氏

樞

學正朱氏

節愍梅氏

執禮和勝

永康陳氏

亮同甫

儀曹樓氏

寅亮

奉議方氏

登

潛溪宋氏

景濂

天台方氏

孝孺希直

東陽胡氏

助愚

待制黃氏

晉卿

博士吳氏

師道

待制柳氏

貫道

九靈戴氏

良叔

義烏王氏

縉子克

知縣方氏

懋烈

眉山蘇氏

伯衡

校書張氏

仲光

學諭方氏

萬里

學士趙氏

玠

鄉貢黃氏

穎

山長陳氏

公凱

知縣程氏

汝器

義烏朱氏

瀛清
伯騰

編修趙氏

友同
彥殊

籍田趙氏

汝騰

教諭林氏

淵

檢討曹氏

叔遠

會稽楊氏

瑾

教諭張氏

浦江
教諭

貞孝鄭氏

淵涵
仲涵

清逸鄭氏

柏端
叔端

知縣王氏

珍

御史王氏

理

姓氏終

浦江志畧目錄

卷一

疆域志

星野

縣邑

鄉井

山川

土田

塘堰

卷二

民物志

戶口

風俗

土產

卷三

官守志

官制

歷官

名宦

署制

恤制

冊籍

卷四

城社志

城池

武備

城隍

壇壝

坊市

橋梁

卷五

財賦志

稅則

稅糧

課程

貢賦

徭役

驛傳